

KOBLENZ

Datt Fiewer!

Korz es dä Altweiwer-Summer,
korz dä warme Sonneschein!
Meddaachschlof - dä klaine „Schlum-
mer“
Läuft mer jetzt am beste sein.

Leitcher, nützt die scheene Stonne
„die“ met 24 Grad!
Och - wie flott sein die Zerronne,
schnell dräht sich datt „Weder-Rad“.

Die Nadur spillt nochmol Gönner,
doch datt ännert sich nau bahl,
dä Kalenner wierd schuns dönnern,
ä hat nur noch „ein“ Quartall!

„Morjens es et jetzt vill keher“,
säht die Modder zo demm Quant,
„wärmer ahndohn, es kai Fehler -
datt säht mir meine Verstand“.

„Eh dau Schnubbe kriech's on Fiewer
zeech's dau warme sache ahn,
West aus, Streck'on Himmd aus, Biewer“,
doch dä Klain stiert sich net drahn.

Ä reeft: „Fort met Streck'on Biewer,
Mamma - datt es mir zo domm -
dau met deinem, Dallasfiewer“
laif's och net em Pelz jetzt romm“!

Katharina Schaaf

29. Sept. 1983

Kath. Schaaf